

## Rapport dal president 2022

Stimadas commembras  
Stimats commembers,

Eir il 2022 ha cumanzà sumgliant sco cha'l 2021 ha fini, quai voul dir cun restricziuns, mascrinas e scumonds. Però fingià d'ürant il mais favrer haja lura dat schlikeridas uschè cha vain pudü il cumanzamaint da marz far nossa radunanza generala e lura pac plü tard fingià la radunanza da prümavaira ingio chi vain trattà e decis sur da diversas proposta chi sun gnüdas fattas a man da la delegiada chi ha gnü lö in mai sü Ftan. Che chi ha dat ferm da discutir d'ürant il 2022 e da polarisar es il tema lufs. Quia es la dumonda quants lufs o tröps sun acceptabel in nossa cuntrada. Eir il implant da tir Urezzas haja dat müdamaints causa chi's ha stuvü organisar la operativa nouv. Ils respunsabels han stuvü partir sü las lavurs, chi sun gnüdas fattas ils ultims ons da üna persuna, sün divers respunsabels. Quia haja lura eir dat ün per malinclettas e discapits. Davo üna sezzüda cun la cumischiun chatscha Urezzas as haja pudü sclerir ed eu sun persvas chi vain fat il pussibel per cuntantar a tuot ils pertocs. In mincha cas stuvaina esser grads per tuots chi lavuran oura Urezzas, e quai sainza indemnisaziun, ed avair lura eir ün pa pazienza e na güsta reclamar o clomar oura schi nu va uschè sco giavüschè o adüsà. Pel 2023 as haja uossa fat diversas adataziuns per optimar l'andamaint uschè chi nu stuvess plü dar gronds discuors.

D'ürant il 2022 ha la Lischana d'arheu pudü organisar diversas activitats. Cumanzà vaina cul di da custodi al cumanzamaint da mai, il salvamaint d'usöls ingio cha divers da nossa società piglian part ha d'ürà quist on da la mità mai fin aint pel lügl, Plünavant eschan stats preschaint al marchà da S-charl ingio cha vain pudü infuormar als interessats sur da las lavurs cha no chatschaders prastain d'ürant l'on. Cumanzamaint da lügl ha la Lischana insembel cul district X organisà ün referat public cul tema utschels da rapina da not. Ün fich interessant referat i'l qual Werner Fischer ha infuormà sur da la lavur cun sia tschuetta ma eir sur da la staziun per salvamaint d'utschels da rapina ch'el maina sü Ftan. La fin da lügl ha lura gnü lö nos tir intern, chi ha cun bundand 30 tregants e candidats muossà cha quista actività es amo adüna fich dumandada. Quia lessa amo üna vouta ingrazchar a tuot ils agüdents, sponsurs ed impustüt a la suprastanza per la gronda lavur. Cuort less amo manzunar ils vendschaders :

Maestranza chatsch'ota :

1	Lorenzetti	Andrea	1969	119
2	Duschèn	Mario	1963	117
3	Stecher	Fabio	1999	117

Maestranza chatscha bassa :

1	Demonti	Gian Reto	1982	58
2	Castellani	Tiziano	1991	57
3	Merz	Matthias	1966	56

### Parcuors chatsch'ota :

1	Dell'Andrino	Diego	1990	43
2	Bischoff	Roman Fadri	1976	42
3	Merz	Matthias	1966	36

### Parcuors chatscha bassa :

1	Castellazzi	Gianni	1969	10
2	Bischoff	Joannes	1943	9
3	Dell'Andrino	Diego	1990	8

Als 13 avuost es gnü manà tras per la seguonda vouta, cun ün per pitschens müdamaints, nos di d'aventüra. Ün grond success es stat quia la part da lavur da custodi, ingio cha vain pudü salüdar a bod 30 agüdontas e agüdents, e quai eir divers na chatschaders. Ün grazcha fich lessa dar a Gian Fümme e Curdin Florineth per manar las excursiuns, ma eir a nos derschader per avoir organisà las lavurs sü Plan Ot. La part cun las excursiuns nun es stat quist on da gronds interess, pero quels chi han tut part d'eiran eir quista vouta inchantats.

Grond plaschair fa minch'on a la radunanza d'utuon, cur cha pudain trar la büs-cha da tuot ils commembers chi sun stats activs ed han tut part ad üna o plüssas activitats da la Lischana. Eu pens cha quist es, in fuorma da patentas da chatscha, ün grazcha fich merità per tuot las commembras e commembers chi sun activs in nossa società. Implü pudess quist esser eir motivaziun per tuot ils oters da tour part a la vita ed ad activitats da la Lischana.

Las chatschas 2022, sun our da vista da nossa società, gnüdas manadas tras cun success e quai chi fa grond plaschair sainza accidaints ed intops. Quia eir da mia vart ün sincer grazcha fich.

Pel 2023 daja natüralmaing darcheu diversas acitivitats e che chi sta avant quist on es la lavur cumünaivla per fabricar l'implant da la schaiibia movibla oura Urezzas, ma eir pro las lavurs da custodi eschan, causa mancanza da candidats, dependents da grond sustegn. Per quistas lavurs chi stan avant, sun eu persvas cha blers commembers as mettan a disposiziun per güdar.

Ün sincer grazcha fich a tuots pel sustegn da nossa lavur a favur da la Lischana. Uschè faja grond plaschair e lascha avoir superbogia d'esser president ed in suprastanza da nossa società Lischana.

Viva la chatscha Grischuna

Mario

Vos president

Mario Duschèn